

*Zavod zdravstvenog osiguranja i reosiguranja  
Federacije Bosne i Hercegovine  
Sarajevo*

***ODLUKA  
O FINANCIRANJU/SUFINANCIRANJU TROŠKOVA LIJEKOVA ZA STIMULACIJU  
OVULACIJE***

*Sarajevo, oktobar 2024. godine*

Na osnovu člana 104. stav 1. al. 11. i 15. Zakona o zdravstvenom osiguranju ("Službene novine Federacije BiH", br. 30/97, 07/02, 70/08, 48/11, 36/18 i 61/22), člana 12. stav 1. alineja 14. Statuta Zavoda zdravstvenog osiguranja i reosiguranja Federacije Bosne i Hercegovine („Službene novine Federacije BiH“, broj:69/05) i člana 8. stav 6. Pravilnika o obimu prava na biomedicinski potpomognutu oplodnju iz sredstava budžeta Federacije Bosne i Hercegovine, način formiranja cijene pojedinačnih postupaka biomedicinski potpomognute oplodnje, kriteriji i načini ugovaranja, kao i druga pitanja od značaja za provođenje biomedicinski potpomognute oplodnje („Službene novine Federacije BiH“, broj: 73/24), Upravni odbor Zavoda zdravstvenog osiguranja i reosiguranja Federacije Bosne i Hercegovine, na sjednici održanoj dana 08.10.2024. godine, donosi

**ODLUKU**  
**O FINANCIRANJU/SUFINANCIRANJU TROŠKOVA LIJEKOVA ZA STIMULACIJU**  
**OVULACIJE**

**I- Osnovne odredbe**

**Član 1.**

Ovom odlukom, utvrđuju se kriteriji/uslovi, obim način i postupak ostvarivanja prava na finansiranje/sufinansiranje troškova lijekova za stimulaciju ovulacije (u daljem tekstu: finansiranje/sufinansiranje troškova lijekova za stimulaciju ovulacije) podnosiocu zahtjeva odnosno licu iz stava 2. ovog člana i ovlaštenoj ugovornoj zdravstvenoj ustanovi iz stava 3. ovog člana

Pravo na dodjelu finansijskih sredstava za finansiranje/sufinansiranje troškova lijekova za stimulaciju ovulacije, mogu ostvariti lica koja imaju status osiguranog lica kod nadležnog kantonalnog zavoda zdravstvenog osiguranja u Federaciji BiH odnosno osigurana lica u Federaciji BiH koja ispunjavaju uslove iz stava (1) člana 2. Pravilnika o obimu prava na biomedicinski potpomognutu oplodnju iz sredstava budžeta Federacije Bosne i Hercegovine, način formiranja cijene pojedinačnih postupaka biomedicinski potpomognute oplodnje, kriteriji i načini ugovaranja, kao i druga pitanja od značaja za provođenje biomedicinski potpomognute oplodnje (u daljem tekstu:Pravilnik o obimu prava na biomedicinski potpomognutu oplodnju), a na osnovu izdate saglasnosti Komisije za izdavanje pojedinačnih saglasnosti za obavljanje biomedicinski potpomognute oplodnje (u daljem tekstu:BMPO) koju formira Zavod zdravstvenog osiguranja i reosiguranja Federacije BiH (u daljem tekstu :Komisija za BMPO Federalnog zavoda).

Pravo na dodjelu finansijskih sredstava za finansiranje/sufinansiranje troškova lijekova za stimulaciju ovulacije, mogu ostvariti, pored lica navedenih u prethodnom stavu i ovlaštene ugovorne zdravstvene ustanove za obavljanje BMPO (u daljem tekstu:ovlaštene zdravstvene ustanove) .

**Član 2.**

Pod lijekovima za stimulaciju ovulacije iz prethodnog člana se, saglasno članu 8.stav 7.Pravilnika o obimu prava na biomedicinski potpomognutu oplodnju, podrazumjevaju generički lijekovi za stimulaciju ovulacije koji se koriste u BMPO koje je, odnosno čiju vrstu/listu, je utvrdila Komisija za primjenu postupaka BMPO Federalnog ministarstva zdravstva.(u daljem tekstu:lijekovi za stimulaciju ovulacije) .

### **Član 3.**

*Financijska sredstva za finansiranje/sufinansiranje troškova lijekova za stimulaciju ovulacije, se obezbjeđuju iz sredstava budžeta Federacije BiH.*

**II- Kriteriji/uslovi i obim finansiranja/sufinansiranja troškova lijekova za stimulaciju ovulacije te dokumentacija koja se dostavlja uz zahtjev odnosno ispostavljenu fakturu**

### **Član 4.**

*Finansiranje/sufinansiranje troškova lijekova za stimulaciju ovulacije se vrši:*

- za vrstu generičkih lijekova za stimulaciju ovulacije navedenu u članu 2.ove Odluke;
- na način da se troškovi lijekova za stimulaciju ovulacije obračunavaju odvojeno od troškova pojedinačnih postupaka iz stava (4) člana 8. Pravilnika o obimu prava na biomedicinski potpomognutu oplodnju i
- po procentu finansiranja/sufinansiranja saglasno čl. 7. i 8. Pravilnika o obimu prava na biomedicinski potpomognutu oplodnju odnosno procentu finansiranja/sufinansiranja utvrđenom u članu 5.ove Odluke.

### **član 5.**

*Zavod zdravstvenog osiguranja i reosiguranja Federacije BiH će financirati/sufinancirati troškove za lijekove za stimulaciju ovulacije, u procentu, kako je utvrđeno po pojedinoj vrsti postupka u članu 7. Pravilnika o obimu prava na biomedicinski potpomognutu oplodnju i to:*

- tri pokušaja intrauterine inseminacije u iznosu od 100% i
- pet pokušaja vantjelesne oplodnje i to prvi pokušaj se finansira u iznosu od 100%, svaki naredni pokušaj finansira se u iznosu od 50% .

### **Član 6.**

*Zavod zdravstvenog osiguranja i reosiguranja Federacije BiH će financirati/sufinancirati troškove za lijekove za stimulaciju ovulacije koji su registrovani do iznosa maksimalne velprodajne cijene lijeka koju je utvrdila Agencija za lijekove i medicinska sredstva BiH, uvećane za maloprodajnu maržu i PDV.*

*Zavod zdravstvenog osiguranja i reosiguranja Federacije BiH će financirati/sufinancirati troškove za lijekove za stimulaciju ovulacije koji su neregistrovani do iznosa koji se nalazi na originalnom fiskalnom računu apoteke o kupovini/nabavci lijeka.*

*Zavod zdravstvenog osiguranja i reosiguranja Federacije BiH neće financirati/sufinancirati troškove za lijekove za stimulaciju ovulacije koji su neregistrovani, ako postoje registrovani lijekovi dostupni na tržištu BiH, a koji su generička paralela ili biosimilar istog kvalitativnog i kvantitativnog sastava i djelovanja.*

### **Član 7.**

*Saglasno članu 12. Pravilnika o obimu prava na biomedicinski potpomognutu oplodnju lica/podnosioci zahtjeva koja su liječena BMPO bez prethodne saglasnosti Komisije za BMPO Federalnog zavoda nemaju*

prava na nadoknadu troškova liječenja iz sredstava budžeta Federacije BiH te nemaju pravo ni na dodjelu finansijskih sredstava za finansiranje/sufinansiranje troškova lijekova za stimulaciju ovulacije.

Izuzetno od prethodnog stava, a saglasno člamu 13. Pravilnika o obimu prava na biomedicinski potpomognutu oplodnju, zahtjevi za naknadu troškova liječenja iz sredstava budžeta Federacije koji su podneseni Federalnom zavodu kao izuzeće od redovnog postupanja, do dana stupanja na snagu Pravilnika o obimu prava na biomedicinski potpomognutu oplodnju, a na osnovu člana 11a, stav (2) Pravilnika o izmjeni i dopuni Pravilnika o obimu prava na biomedicinski potpomognutu oplodnju iz sredstava budžeta Federacije Bosne i Hercegovine, način formiranja cijene pojedinačnih postupaka biomedicinski potpomognute oplodnje, kriteriji i načini ugovaranja, kao i druga pitanja od značaja za provođenje biomedicinski potpomognute oplodnje ( „Službene novine Federacije BiH”, broj:99/23) rješavaće se na način detaljno preciziran navedenim članom predmetnog Pravilnika, a po kriterijima/uslovima, obimu načinu i postupku propisanim odredbama Odluke o financiranju/sufinanciranju odnosno naknadi troškova liječenja BMPO (biomedicinski potpomognutom oplodnjom) i lijekova za stimulaciju ovulacije, bez saglasnosti komisije za BMPO Federalnog zavoda, u skladu sa raspoloživim sredstvima predviđenim Finansijskim planom Federalnog zavoda, za 2024.godinu.

#### **Član 8.**

Troškovi lijekova za stimulaciju ovulacije finansirati/sufinansirati će se pod uslovom da lice navedeno u članu 1.stav 2. ove Odluke, uz svoj „Zahtjev za finansiranje/sufinansiranje troškova lijekova za stimulaciju ovulacije” (Obrazac br. 1 - u prilogu) priloži:

- Medicinsku dokumentaciju na osnovu koje je ordinirano korištenje lijeka/lijekova za stimulaciju ovulacije odnosno kojom se potvrđuje neophodnost primjene lijeka/lijekova za stimulaciju ovulacije,
- „Potvrdu da je pacijent primio ili preuzeo lijek/lijekove za stimulaciju ovulacije” (Obrazac br. 2 - u prilogu) parafiranu i ovjerenu od strane ovlaštene ugovorne zdravstvene ustanove za obavljanje BMPO i ordinirajućeg ljekara navedene zdravstvene ustanove te da je pacijent (navesti ime i prezime pacijenta) primio ili preuzeo lijek/lijekove za stimulaciju ovulacije (navesti generički i zaštićeni naziv, oblik, jačinu i količinu);
- Original fiskalni račun apoteke u kojoj je izvršena nabavka/kupovina lijeka/lijekova za stimulaciju ovulacije i
- Broj transakcijskog računa otvoren kod banke.

Troškovi lijekova za stimulaciju ovulacije finansirati/sufinansirati će se pod uslovom da ovlaštena zdravstvena ustanova navedena u člamu 1.stav 3. ove Odluke, uz fakturu za troškove lijekova za stimulaciju ovulacije, priloži dokumentaciju propisanu Uputstvom za fakturisanje zdravstvenih usluga biomedicinski potpomognute oplodnje u ugovorenim zdravstvenim ustanovama te i „Potvrdu da je pacijent primio ili preuzeo lijek/lijekove za stimulaciju ovulacije” (Obrazac br. 2 - u prilogu) parafiranu i ovjerenu od strane ovlaštene zdravstvene ustanove i ordinirajućeg ljekara navedene zdravstvene ustanove da je pacijent (navesti ime i prezime pacijenta) primio ili preuzeo lijek/lijekove za stimulaciju ovulacije (navesti generički i zaštićeni naziv, oblik, jačinu i količinu).

Saglasnost Komisije za BMPO Federalnog zavoda te time i svojstvo osiguranog lica u Federaciji BiH i činjenicu ispunjavanja uslova iz stava (1) člana 2. Pravilnika o obimu prava na biomedicinski potpomognutu oplodnju utvrdit će se u evidenciji izdatih navedenih saglasnosti koja se vodi kod Zavoda zdravstvenog osiguranja i reosiguranja Federacije Bosne i Hercegovine.

Izvodi, zabilješke i dr. iz evidencije izdatih saglasnosti, navedenih u prethodnom stavu, će se uložiti u predmet podnosiocu zahtjeva.

**III - Način i postupak po zahtjevu lica za finansiranje/sufinansiranje troškova lijekova za stimulaciju ovulacije i način i postupak po ispostavljenoj fakturi ovlaštene zdravstvene ustanove za troškove lijekova za stimulaciju.**

#### **Član 9.**

Zahtjev iz člana 8. stav 1. ove odluke (u daljem tekstu: zahtjev) se podnosi Zavodu zdravstvenog osiguranja i reosiguranja Federacije Bosne i Hercegovine.

Podnosilac zahtjeva je obavezan uz zahtjev odnosno Obrazac br. 1 priložiti akte/dokumente iz člana 8. stav 1. alineja jedan, dva, tri i četiri ove odluke.

Faktura iz člana 8. stav 2. ove odluke (u daljem tekstu: faktura) se podnosi/ispostavlja Zavodu zdravstvenog osiguranja i reosiguranja Federacije Bosne i Hercegovine na način odnosno po postupku propisanom Uputstvom za fakturisanje zdravstvenih usluga biomedicinski popomognute oplodnje u ugovorenim zdravstvenim ustanovama.

Podnosilac fakture je obavezan uz fakturu priložiti akte/dokumente iz člana 8. stav 2. ove Odluke.

#### **Član 10.**

U okviru provođenja postupka po zahtjevu, razmatra se zahtjev u pogledu formalno pravne ispravnosti, a u skladu sa ovom Odlukom.

Ukoliko zahtjev sadrži formalne nedostatke ili je nepotpun, podnosiocu zahtjeva se ostavlja rok od 10 (deset) dana da ove nedostatke otkloni.

Postupanje po zahtjevu iz st. 1 i 2. ovog člana kao i cjelokupni postupak se provodi saglasno odredbama Zakona o upravnom postupku („Službene novine Federacije BiH”, br. 2/98, 48/99 i 61/22).

#### **Član 11.**

Direktor Zavoda zdravstvenog osiguranja i reosiguranja Federacije Bosne i Hercegovine rješava zahtjev iz ove odluke na način i u skladu sa odredbama Zakona o upravnom postupku.

Protiv rješenja direktora, osigurano lice ima pravo podnijeti žalbu Federalnom ministarstvu zdravstva u roku od 15 dana od dana prijema prvostepenog rješenja.

#### **Član 12.**

Žalba se neposredno predaje ili šalje poštom prvostepenom organu, koji je donio prvostepeno rješenje.

Prvostepeni i drugostepeni organ u postupku rješavanja po žalbi postupaju na način i u skladu sa odredbama Zakona o upravnom postupku.

#### **Član 13.**

Zavod zdravstvenog osiguranja i reosiguranja Federacije Bosne i Hercegovine vodit će evidenciju o broju primljenih zahtjeva, broju odbijenih zahtjeva i utrošenih sredstava po tom osnovu.

Sastavni dio ove odluke su Obrazac 1. i 2.:

- Obrazac br. 1 - „Zahtjev za finansiranje/sufinansiranje troškova lijekova za stimulaciju ovulacije”.
- Obrazac br. 2 - „Potvrda da je pacijent primio ili preuzeo lijek/lijekove za stimulaciju ovulacije”.

#### **IV - Prelazne i završne odredbe**

##### **Član 14.**

Ova Odluka se primjenjuje na zahtjeve za financiranje/sufinanciranje troškova lijekova za stimulaciju ovulacije, za lica koja su liječena BMPO na osnovu izdate saglasnosti Komisije za BMPO Federalnog zavoda i to zahtjeve koji su podneseni do stupanja na snagu Pravilnika o obimu prava na biomedicinski potpomognutu oplodnju i po kojima nije donesena odluka odnosno koji nisu riješeni i navedene zahtjeve koji su podneseni nakon stupanja na snagu Pravilnika o obimu prava na biomedicinski potpomognutu oplodnju.

Za ostale zahtjeve koji su podneseni odnosno koji se odnose za financiranje/sufinanciranje odnosno za nadoknadu troškova liječenja biomedicinski potpomognutom oplodnjom i za financiranje/sufinanciranje odnosno za nadoknadu troškova lijekova za stimulaciju ovulacije, za lica koja su liječena BMPO bez prethodne saglasnosti Komisije za BMPO Federalnog zavoda, primjenjuje se Odluka o financiranju/sufinanciranju odnosno naknadi troškova liječenja BMPO (biomedicinski potpomognutom oplodnjom) i lijekova za stimulaciju ovulacije, bez saglasnosti komisije za BMPO Federalnog zavoda.

##### **Član 15.**

Danom stupanja na snagu ove Odluke prestaje da važi Odluka o financiranju/sufinanciranju troškova lijekova za stimulaciju ovulacije broj:02/I-01-1-2877/23 od 26.06.2023.godine i broj: 02/I-01-5836-1/23 od 28.12.2023.,godine.

##### **Član 16.**

Ova Odluka stupa na snagu danom donošenja

Broj:02/I-01-1-4905-1/24  
Sarajevo,08.10.2024. godine



## Obrazloženje

### I-Pravni osnov

Pravni osnov za donošenje ove Odluke sadržan je u u odredbi člana 104. Zakona o zdravstvenom osiguranju te članu 12, stav 1, alineja 14. Statuta Zavoda zdravstvenog osiguranja i reosiguranja Federacije Bosne i Hercegovine („Službene novine Federacije BiH“, broj:69/05) kojim je propisano da Upravni odbor Federalnog zavoda odlučuje o određenim pitanjima saglasno svojim nadležnostima te, između ostalog i „raspoređuje sredstva federalne solidarnosti po utvrđenim namjenama “ i „donosi druge akte neophodne za poslovanje federalnog fonda solidarnosti“ odnosno „vrši i druge poslove za koje je ovlašten zakonom, podzakonskim, općim i drugim aktima“.

Takođe pravni osnov za donošenje ove Odluke sadržan je u u odredbi člana 8, stav 6. Pravilnika o obimu prava na biomedicinski potpomognutu oplodnju kojom je, između ostalog, propisano da troškove lijekova za stimulaciju ovulacije finansira/sufinansira ovlaštenoj zdravstvenoj ustanovi ili podnosiocu zahtjeva, Federalni zavod.

### II- Razlozi donošenja

Osim što postoji pravni osnov za donošenje ove Odluke naveden kao u tački I ovog obrazloženja treba napomenuti da se kroz praksu postupanja po zahtjevima osiguranih lica u Federaciji BiH vezanih za finansiranje/sufinansiranje troškova koji se tiču pružanja zdravstvenih usluga te i troškova lijekova pa i predmetnih lijekova za stimulaciju ovulacije, ukazala potreba za jasnim i preciznim definisanjem kriterija, načina i postupka ostvarivanja prava na finansiranje/sufinansiranje troškova pruženih zdravstvenih usluga i nabavke lijekova te i lijekova za stimulaciju ovulacije, a saglasno pozitivnim propisima, te se iz tog razloga i donosi ova Odluka.

Takođe se donosi ova „nova“ Odluka o finansiranje/sufinansiranje troškova lijekova za stimulaciju ovulacije iz razloga usklađivanja sa novim Pravilnikom o obimu prava na biomedicinski potpomognutu oplodnju iz sredstava budžeta Federacije Bosne i Hercegovine, način formiranja cijene pojedinačnih postupaka biomedicinski potpomognute oplodnje, kriteriji i načini ugovaranja, kao i druga pitanja od značaja za provođenje biomedicinski potpomognute oplodnje („Službene novine Federacije BiH“, broj: 73/24) , te time i „stara“ Odluka o finansiranje/sufinansiranje troškova lijekova za stimulaciju ovulacije prestaje da važi.

### III- Obrazloženje pravnih rješenja

U poglavlju I ove Odluke, osnovne odredbe ,precizirano je da se ovom Odlukom utvrđuju kriteriji/uslovi, obim način i postupak ostvarivanja prava na finansiranje/sufinansiranje troškova lijekova za stimulaciju ovulacije te ko ima pravo dodjelu finansijskih sredstava za finansiranje/sufinansiranje troškova lijekova za stimulaciju ovulacije (član 1.) te šta se podrazumjeva pod lijekovima za stimulaciju ovulacije (član 2.) te na koji način se obezbjeđuju Finansijska sredstva za finansiranje/sufinansiranje troškova lijekova za stimulaciju ovulacije (član 3.)

U poglavlju II ove Odluke precizirani su, kriteriji/uslovi i obim finansiranja/sufinansiranja troškova lijekova za stimulaciju ovulacije , dokumentacija koja se dostavlja uz zahtjev odnosno za koju vrstu generičkih lijekova za stimulaciju ovulacije se vrši finansiranje/sufinansiranje troškova lijekova za

stimulaciju ovulacije, na koji način se obračunavaju troškovi i po kojem procentu te do kojeg iznosa za registrovane i neregistrovane lijekove (čl. 4. , 5. i 6.) Takođe u ovom poglavlju je precizirano ko nema pravo na nadoknadu troškova liječenja iz sredstava budžeta Federacije BiH te izuzeci u postupanju (član 7.) kao i pod kojim će se uslovima vršiti finansiranje/sufinansiranje troškova lijekova za stimulaciju ovulacije odnosno koju dokumentaciju treba priložiti i koja činjenice će se utvrditi iz postojećih evidencija (član 8.) .

U poglavlju III ove Odluke ,preciziran je način i postupak po zahtjevu lica za finansiranje/sufinansiranje troškova lijekova za stimulaciju ovulacije i način i postupak po ispostavljenoj fakturi ovlaštene zdravstvene ustanove za troškove lijekova za stimulaciju, odnosno precizirano je kome se podnosi zahtjev tj. ispostavlja faktura, da se faktura podnosi/ispostavlja Zavodu zdravstvenog osiguranja i reosiguranja Federacije Bosne i Hercegovine na način odnosno po postupku propisanom Uputstvom za za fakturisanje zdravstvenih usluga biomedicinski popomognute oplodnje u ugovorenim zdravstvenim ustanovama, te je propisano koje akte je podnosilac zahtjeva/fakture obavezan priložiti, kako se razmatra zahtjev i kako se postupa sa istim ako ima formalne nedostatke ili je nepotpun te da se cjelokupni postupak po zahtjevu provodi saglasno odredbama Zakona o upravnom postupku (čl.9. i 10.), zatim ko rješava zahtjev , ko podnosi žalbu ,kome i u kom roku, kome se predaje žalba i kako se postupa sa istom (čl. 11. i 12.)ko vodi evidenciju o broju primljenih zahtjeva, broju odbijenih zahtjeva i utrošenih sredstava, po tom osnovu, kao i da su sastavni dio ove odluke Obrazac 1. i 2. (član 13.).

U poglavlju IV ove Odluke precizirane su prelazne i završne odredbe, tj na koje zahtjeve se ova Odluka primjenjuje (za lica koja su liječena BMPO na osnovu saglasnosti Komisije za BMPO Federalnog zavoda), a za ostale zahtjeve se primjenjuje druga odluka ( za lica koja su liječena BMPO bez saglasnosti Komisije za BMPO Federalnog zavoda) odnosno izvršena je , jasna distinkcija odnosno razlučivanje u kojim slučajevima se primjenjuje jedna odluka, a u kojim druga odluka (član 14.) , da danom stupanja na snagu prestaje da važi ranija Odluka o finansiranje/sufinansiranje troškova lijekova za stimulaciju ovulacije (član 15.) te je precizirano da ova Odluka stupa na snagu danom donošenja (član 16.)

#### **IV Finansijska sredstva**

Za realizaciju ove Odluke finansijska sredstva, se obezbjeđuju iz sredstava budžeta Federacije.



\_\_\_\_\_  
*ime i prezime podnosioca zahtjeva*

\_\_\_\_\_  
*adresa*

\_\_\_\_\_  
*JMBG*

\_\_\_\_\_  
*broj telefona/fax-a/mob.*

\_\_\_\_\_  
*elektronska pošta (mail)*

\_\_\_\_\_  
*kontakt osoba*

Zavod zdravstvenog osiguranja i reosiguranja Federacije Bosne i Hercegovine  
*naziv organa koji vodi postupak*

Sarajevo Trg heroja br.14  
*sjedište organa*

*PREDMET: Zahtjev za finansiranje/sufinansiranje troškova lijekova za stimulaciju ovulacije*

\_\_\_\_\_  
\_\_\_\_\_  
\_\_\_\_\_

*Dokumentacija/dokazi koji se prilažu uz zahtjev su:*

- 1. Medicinska dokumentacija na osnovu koje je ordinirano korištenje lijeka/lijekova za stimulaciju ovulacije odnosno kojom se potvrđuje neophodnost primjene lijeka/lijekova za stimulaciju ovulacije;*
- 2. Potvrda da je pacijent primio ili preuzeo lijek/lijekove za stimulaciju ovulacije;*
- 3. Original fiskalni račun apoteke u kojoj je izvršena nabavka/kupovina lijeka/lijekova za stimulaciju ovulacije i*
- 4. Broj transakcijskog računa otvoren kod banke.*

**NAPOMENA:**

*Dokazi pod tač. 1. i 4. prilažu se u originalu ili kopiji ovjerenoj od strane općinskog organa.*

*Saglasnost Komisije za BMPO Federalnog zavoda te time i svojstvo osiguranog lica u Federaciji BiH i činjenicu ispunjavanja uslova iz stava (1) člana 2. Pravilnika o obimu prava na biomedicinski potpomognutu oplodnju utvrdit će se u evidenciji izdatih navedenih saglasnosti koja se vodi kod Zavoda zdravstvenog osiguranja i reosiguranja Federacije Bosne i Hercegovine.*

\_\_\_\_\_  
*mjesto i datum*

\_\_\_\_\_  
*potpis podnosioca zahtjeva*

*LK. br.* \_\_\_\_\_

\_\_\_\_\_  
\_\_\_\_\_  
(Naziv ovlaštene ugovorne zdravstvene ustanove za obavljanje BMPO)

**POTVRDA**

*da je pacijent primio ili preuzeo lijek/lijekove za stimulaciju ovulacije*

*Kojom se potvrđuje da je u ovlaštenoj ugovornoj zdravstvenoj ustanovi za obavljanje BMPO*

\_\_\_\_\_  
(Naziv ovlaštene ugovorne zdravstvene ustanove za obavljanje BMPO)

*pacijent \_\_\_\_\_ primio ili preuzeo lijekove za*  
(ime i prezime pacijenta)

*stimulaciju ovulacije \_\_\_\_\_*  
(navesti generički i zaštićeni naziv, oblik, jačinu i količinu).

*Pacijent je primio ili preuzeo lijekove za stimulaciju ovulacije dana \_\_\_\_\_*  
(navesti datum primanja ili preuzimanja lijekova).

*Ordinirajući ljekar*

\_\_\_\_\_  
(potpis i pečat)

*Ovlaštena ugovorna zdravstvena  
ustanova*

\_\_\_\_\_  
(potpis i pečat)

*Datum izdavanja potvrde: \_\_\_\_\_ 20\_\_\_\_, godine*